



TEKS UCAPAN
**MAJLIS PERASMIAN KONVENSYEN
MARI BELAJAR 2 JAM 3 JAM
PERINGKAT NEGERI SEMBILAN 2008**

**YG, BHG. DATO' ALI NORDIN BIN WAHIDUDDIN
TIMBALAN KETUA PENGARAH (PEMBANGUNAN)
MEWAKILI KETUA PENGARAH RISDA**

KG. PACHITAN, PORT DICKSON
NEGERI SEMBILAN
13 DISEMBER 2008
2.30 Petang

Yang Berusaha Saudara Pengerusi Majlis

Yang Berhormat Senator Tan Sri Dato' Seri Muhammad bin
Muhammad Taib
Menteri Kemajuan Luar Bandar dan Wilayah

Tn. Hj. Abd. Ghafar bin Hj. Borhanudin
Pengarah RISDA Negeri Sembilan merangkap Pengerusi Jawatan
kuasa Induk Konvensyen

Tn. Hj. Osman Derus
Pengerusi JKKK Kg. Pachitan serta semua AJK

Ketua-Ketua Jabatan

dan seterusnya tuan-tuan dan puan-puan penduduk Kg. Pachitan
yang dikasihi sekalian.

Assalamualaikum Warahmatullahi Wabarakatuh

1.0 PENGHARGAAN

Alhamdulillah, setinggi-tinggi syukur ke hadrat Allah S.W.T. kerana dengan limpah kurnia dan inayahNya telah mengizinkan kita berkumpul di Kg. Pachitan ini bagi Majlis Perasmian Konvensyen Mari Belajar 2 Jam 3 Jam peringkat Negeri Sembilan 2008 pada hari ini. Terlebih dahulu saya ingin mengucapkan terima kasih kepada pihak Jawatankuasa Konvensyen yang telah memberi penghormatan kepada saya untuk memberi sepatah dua

3

kata dalam Majlis ini. Bagi pihak RISDA, saya ingin mengucapkan jutaan terima kasih kepada Yang Berhormat Senator Tan Sri Dato' Seri Muhammad bin Muhammad Taib, Menteri Kemajuan Luar Bandar dan Wilayah, kerana sudi melapangkan masa untuk hadir walaupun kita tahu beliau amat sibuk pada masa ini. Dalam jadual tugas yang begitu padat dan ketat, YB Menteri masih tetap memberi ruang masa untuk hadir bersama kita bagi memberi amanat dan menyuntik semangat kepada semua. Bersyukur kita kerana YB Tan Sri diletakkan sebagai Menteri Kemajuan Luar Bandar dan Wilayah yang begitu perihatin dan mengambil berat tentang masyarakat luar Bandar. YB Tan Sri merupakan seorang

4

Menteri yang berjiwa rakyat dan betul-betul memperjuangkan untuk pembangunan luar bandar lebih-lebih lagi dalam bidang pendidikan. Saya juga mengambil peluang ini untuk mengucapkan ribuan terima kasih kepada J/Kuasa Konvensyen serta JKKK dan penduduk Kg. Pachitan yang telah bertungkus lumus untuk menjayakan Konvensyen ini. Kehadiran Tuan-tuan dan Puan-puan semua melambangkan semangat kekitaan dalam keinginan untuk melihat masyarakat luar bandar kita berjaya.

2.0 LATAR BELAKANG KONVENSYEN

Konvensyen Mari Belajar 2 Jam 3 Jam ini merupakan cetusan idea murni oleh Yang Berhormat Menteri kita untuk meningkatkan prestasi pembelajaran anak-anak serta meningkatkan kesedaran ibubapa terhadap pembelajaran anak-anak terutamanya di luar bandar. YB Menteri telah melihat bahawa salah satu faktor penting yang menjadi penyumbang utama kepada pembangunan masyarakat luar Bandar adalah elemen pendidikan. Pendidikan adalah pintu kepada dunia dan kunci kepada kehidupan, ketamadunan serta kekuatan bangsanya. Apa yang kita lakukan

atau tidak lakukan akan menentukan masa depan kita. Segala usaha gigih hari ini akan menentukan nasib dan corak kehidupan anak-anak kita di masa hadapan. Bak kata pepatah 'Membentuk buluh, biarlah dari rebungunya'.

Kempen Mari Belajar ini yang dianjurkan oleh Kementerian Kemajuan Luar Bandar dan Wilayah diadakan di setiap negeri dan dilaksanakan secara kerjasama oleh agensi-agensi di bawah Kementerian. RISDA telah di beri tanggungjawab sebagai **Pengerusi J/Kuasa Kembar Negeri** bagi Kempen ini di Negeri Melaka, Selangor, Negeri Sembilan dan Pulau Pinang manakala

7

negeri-negeri lain oleh KEMAS, FELCRA, KEDA, KESEDAR, KEJORA, KETENGAH dan Lembaga Kemajuan Bintulu. Tetapi di semua negeri, pihak Kementerian dan semua agensi di bawah Kementerian bekerjasama untuk melaksanakan kempen ini.

3. PEMILIHAN KG. PACHITAN, PORT DICKSON

Kg. Pachitan telah dipilih sebagai Kampung Tuan Rumah bagi Konvensyen Mari Belajar di Negeri Sembilan ini berdasarkan Kriteria yang telah ditetapkan oleh Kementerian iaitu Kampung Cemerlang yang mempunyai *track record* kecemerlangan kepimpinan Kampung dan juga menepati penyertaan minima 150

8

pasangan ibu bapa yang mempunyai anak yang bersekolah di peringkat rendah dan menengah dalam kalangan penduduk setempat dan kampung sekitar.

3. PERANAN RISDA DALAM PENDIDIKAN

3.1 Latihan Pekebun Kecil

Di samping khidmat pengembangan, latihan formal dan informal yang dijalankan secara berterusan untuk pekebun kecil, RISDA juga telah memberi perhatian kepada pendidikan generasi muda pekebun kecil. Bagi RISDA, pembangunan ahli isi rumah perlu di

9

beri penekanan sebagai jaminan untuk meningkatkan pendapatan keluarga serta taraf hidup masyarakat pekebun kecil dan luar bandar. Ini dilaksanakan dengan penubuhan **Institut Kemajuan Pekebun Kecil (IKPK) di Perak, Pahang dan Kelantan, RISTEC di Port Dickson dan Kolej RISDA di Melaka**. Kursus-kursus **teknikal dan pemasaran** dijalankan di IKPK manakala **Kursus Bina Insan, keusahawanan dan Kemahiran** dijalankan di RISTEC, Port Dickson. Bagi latihan pekebun kecil, sejumlah **RM 3 juta** di peruntukkan bagi latihan di IKPK.

Peruntukan KKLW

Selain daripada itu, sejumlah **RM 5.055 juta** disediakan oleh KKLW dibawah Program Latihan Kemahiran dan Kerjaya (PLKK), Program Kecemerlangan Pelajar (PKP) dan Program Pembangunan Minda Insan (PPMI) untuk anak-anak pekebun kecil miskin.

3.2 Program Latihan Kemahiran dan Kerjaya (PLKK)- RM3.3 Juta

Di bawah Program Latihan Kemahiran dan Kerjaya (PLKK) dimana anak-anak Pekebun kecil berumur 18 tahun ke atas diberi peluang

mengikuti kursus jangka pendek, sederhana dan panjang termasuk kemahiran asas MLVK. Jenis-jenis kursus yang dijalankan adalah seperti **Kursus Bakeri dan Kek, Kursus Kecantikan, Juruteknik Letrik, Baikpulih Telefon Bimbit, Plastic Injection Moulding, Kejuruteraan Marin, Kemahiran Jahitan dan Kejuruteraan Sistem Komputer.** Dibawah Program ini, kursus-kursus ini dikendalikan oleh pembekal-pembekal kursus yang diiktiraf oleh KKLW.

3.3 Program Kecemerlangan Pelajar (PKP)- RM 1.045 Juta

Program Kecemerlangan Pelajar adalah program yang menyediakan bantuan kewangan dan pengurusan bagi membolehkan anak-anak pekebun kecil mengikuti kursus-kursus peningkatan pencapaian akademik. Jenis-jenis kursus adalah seperti **Kem Kepimpinan Pelajar, Motivasi Pelajar Cemerlang, Motivasi Penyediaan PMR dan Motivasi Penyediaan SPM.**

3.4 Program Pembangunan Minda Insan (PPMI)- RM 0.71 Juta

Di bawah PPMI, bantuan kewangan di beri kepada anak-anak Pekebun kecil miskin untuk mengikuti kursus-kursus perubahan

sikap, motivasi dan pembangunan insan supaya lebih bermotivasi untuk berusaha meningkatkan ilmu, pendidikan, kemahiran serta pendapatan keluarga. Jenis-jenis kursus yang dijalankan adalah seperti **Kursus motivasi dan perubahan sikap, Bengkel kebahagiaan dan kecemerlangan keluarga serta Motivasi membina keyakinan diri.** Kumpulan sasarannya adalah Ketua Isi Rumah (KIR) yang mempunyai ramai tanggungan, Suri rumah yang ditanggung oleh KIR yang kurang upaya dan Ahli Isi Rumah (AIR) yang ditanggung oleh KIR ibu tunggal.

3.5 PROGRAM TUISYEN DESA

Di bawah RMK 9, Kerajaan telah menyediakan peruntukan sejumlah **RM 2 juta** kepada RISDA bertujuan untuk membantu meningkatkan taraf pelajaran anak-anak pekebun kecil yang tinggal di luar bandar terutama mereka yang akan mengambil peperiksaan seperti **UPSR, PMR dan SPM**. Mata Pelajaran yang di beri tumpuan adalah **Matematik, Sains, Bahasa Melayu dan Bahasa Inggeris**. Program ini telah bermula pada tahun 2007.

Bagi **tahun 2008**, sejumlah **RM 500,000.00** disediakan untuk Program Tuisyen Desa dan di khususkan untuk pelajar SPM

15

sahaja. **Seramai 820 orang pelajar SPM** di 50 Pusat Tuisyen Desa telah mengikuti kelas tuisyen desa di seluruh negara.

4. PENUTUP

Saya tidak berniat untuk berucap panjang kerana sebentar lagi YB Menteri akan menyampaikan ucapan yang penting untuk kita hayati. Sekali lagi saya mengucapkan ribuan terima kasih kepada YB Tan Sri di atas kesudian untuk menghadiri Majlis pada hari ini. Juga terima kasih kami kepada Ketua-ketua Jabatan dan Agensi yang telah bersama menjayakan Majlis ini. Tidak lupa

16

kepada Pengerusi JKKK dan AJK serta penduduk Kg. Pachitan yang telah bekerja keras menyumbangkan tenaga dan masa untuk memastikan majlis pada hari ini berjalan dengan lancar. Saya sungguh berharap usaha tuan-tuan dan puan-puan ini akan membuahkan hasil seperti yang diharapkan.

Sekian. Wabillahi taufik walhidayah. Wsb.